

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik

Broj: 02/12-19-12515/21  
Sarajevo, 12.08.2021. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine, a na preporuku Komisije za javnu nabavku radova, Općinski načelnik donosi:

## **ODLUKU**

**o izboru najpovoljnijeg ponuđača u predmetu – Izvođenje radova na izgradnji separatne kanalizacione mreže u ulici Safeta Ahmetpahića**

### **I**

Prihvata se preporuka Komisije za javnu nabavku radova i okvirni sporazum u predmetu - „Izvođenje radova na izgradnji separatne kanalizacione mreže u ulici Safeta Ahmetpahića“, broj obavještenja 422-1-3-110-3-73/21, objavljeno na Portalu javnih nabavki dana 08.07.2021.godine, i u “Službenom glasniku BiH”– Oglasnik javne nabavke broj 44/21 od 16.07.2021. godine, dodjeljuje se ponuđaču „Harysco“ d.o.o. Sarajevo, sa ponuđenom cijenom za okvirni sporazum u iznosu od 456.000,00 KM bez PDV-a, odnosno 533.520,00 KM sa PDV-om.

### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

### **III**

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajnji rok za predaju ponuda.

## **Obrazloženje**

Odlukom broj 02/12-19-12515/21 od 05.07.2021. godine Općina Novi Grad Sarajevo pokrenula je otvoreni postupak javne nabavke „Izvođenje radova na izgradnji separatne kanalizacione mreže u ulici Safeta Ahmetpahića“, broj obavještenja 422-1-3-110-3-73/21, objavljeno na Portalu javnih nabavki dana 08.07.2021.godine, i u “Službenom glasniku BiH”– Oglasnik javne nabavke broj 44/21 od 16.07.2021. godine. Zapisnikom o otvaranju ponuda od 28.07.2021. godine Komisija je konstatovala da je u predviđenom roku, u propisno upakovanim kovertama, pristiglo pet (5) ponuda ponuđača:

1. „Harysco“ d.o.o. Sarajevo
2. “Orman” d.o.o. Kiseljak
3. grupa ponuđača “Manjo” d.o.o. Sarajevo i “Bosman” d.o.o. Sarajevo
4. “Mibral” d.o.o. Sarajevo
5. “Bujice” d.o.o. Konjic

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da je pristiglo pet ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Orman“ d.o.o. Kiseljak ne ispunjava kvalifikacioni uslov tražen u tenderskoj dokumentaciji iz tačke 3.4.1. (a) tehnička i profesionalna sposobnost – da je ponuđač u protekle tri kalendarske godine kao izvođač uspješno izvršio najmanje jedan ugovor koji za predmet ugovora ima radove koji su u vezi sa predmetom nabavke vrijednosti najmanje 200.000,00KM sa PDV-om, a tačkom 3.4.2. (a) propisano je da se navedeno dokazuje listom izvršenih ugovora, koji su realizovani u posljednje tri godine sa vrijednostima, datumima i naručiocima radova. Uz spisak izvršenih ugovora ponuđač je dužan dostaviti najmanje jednu potvrdu za ugovor koji za predmet ima radove koji su u vezi s predmetom nabavke vrijednosti najmanje 200.000,00 KM sa PDV-om, koju je izadala ugovorna strana -naručilac radova. Ponuđač je kao dokaz tehničke i profesionalne sposobnosti priložio pet potvrda o uspješno realizovanim ugovorima. Komisija je konstatovala da se predmetne potvrde odnose na radove izgradnje ili rekonstrukcije vodovodne mreže kao i na radove izgradnje, rekonstrukcije i obnove cesta, trgova i mostova te nisu u vezi sa predmetom nabavke - izvođenje radova na izgradnji separatne kanalizacione mreže, te ih Komisija nije mogla cijjeniti kao prihvatljive.

Iz naprijed navedenih razloga utvrđeno je da ponuđač „Orman“ d.o.o. Kiseljak ne ispunjava uslove tražene u tenderskoj dokumentaciji iz tački 3.4.1. (a) – tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Uvidom u dostavljenu dokumentaciju grupe ponuđača „Manjo“ d.o.o. Sarajevo i „Bosman“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (c) tehnička i profesionalna sposobnost - da je ponuđač opremljen neophodnom opremom za obavljanje predmetnih radova; Oprema: kamion - 2 kom, utovarivač -1 kom, bager – 1kom, mini bager -1kom, vibro ploča 200-300kg – 1kom. Tačkom 3.4.2. (d) propisano je da se navedeno dokazuje na sljedeći način: kao dokaz o obezbijeđenosti opreme dostavlja se izvod iz knjige osnovnih sredstava ili ugovor o iznajmljivanju opreme, za kamion se dostavlja saobraćajna dozvola, za radne mašine saobraćajna ili upotrebna dozvola (original ili ovjerena kopija). Ukoliko iz upotrebne dozvole nije moguće utvrditi tražene karakteristike dostaviti zapisnik koji to dokazuje (original ili ovjerena kopija).

Uvidom u dostavljenu dokumentaciju grupe ponuđača „Manjo“ d.o.o. Sarajevo i „Bosman“ d.o.o. Sarajevo konstatovano je da ponuđač dostavio upotrebne dozvole sa zapisnikom za vibro nabijač, ali nije dostavio upotrebnu dozvolu za vibro ploču 200-300kg, što je bio obavezan dostaviti u skladu sa navedenom tačkom tenderske dokumentacije.

Iz naprijed navedenih razloga utvrđeno je da grupa ponuđača „Manjo“ d.o.o. Sarajevo i „Bosman“ d.o.o. Sarajevo ne ispunjava uslove tražene u tenderskoj dokumentaciji iz tački 3.4.1. (c) – tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni preostalih ponuda, te utvrdila da dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponuda te utvrdila da nije bilo računsku greške.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Bujice“ d.o.o. Konjic sa ponuđenom cijenom za okvirni sporazum u iznosu od 527.420,51 KM bez PDV-a, 2. „Harysco“ d.o.o. Sarajevo sa ponuđenom cijenom za okvirni sporazum u iznosu od 529.470,17 KM bez PDV-a, 3. „Mibral“ d.o.o. Sarajevo sa ponuđenom cijenom za okvirni sporazum u iznosu od 538.106,33 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 09.08.2021. godine sa početkom u 10:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-110/21 od 09.08.2021. godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „Harysco“ d.o.o. Sarajevo sa ponuđenom cijenom za okvirni sporazum u iznosu od 456.000,00 KM bcz PDV-a
2. „Bujice“ d.o.o. Konjic sa ponuđenom cijenom za okvirni sporazum u iznosu od 458.472,00 KM bez PDV-a
3. „Mibral“ d.o.o. Sarajevo sa ponuđenom cijenom za okvirni sporazum u iznosu od 490.000,00 KM bez PDV-a

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentualno umanjeње cijene postignute nakon e-aukcije, tako da ponuđena cijena za okvirni sporazum ponuđača „Harysco“ d.o.o. Sarajevo iznosi 456.000,00 KM bez PDV-a, odnosno 533.520,00 KM sa PDV-om, o čemu je ponuđač dostavio saglasnost broj 02-113/21 dana 11.08.2021. godine.

Shodno naprijed navedenom Komisija je donijela preporuku za zaključenje okvirnog sporazuma za predmetnu nabavku sa ponuđačem „Harysco“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

**DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik

mr. Semir Efendić